

# GODIDA KIKI GITIDA

## TANO 1

1:1-25      Godi Roera Isambu Etiri, Sirore Useri.

1-5          Godi tuturo edo, giti utu enda usira. Etiri, endada reju eni tefori. Avata Godida Asisi Kakara eva etoda kaifa edo ghusira. Edo regi isambu tumbari. Godi setiri, usasa sirore edo, janimbetiri, Godi gosusira, eveva bekari. Gido, Godi usasa ainda javo sifo jighido, usasa tumba vesa edo, soroda sarighusira. Emo sifo dabako aminda etiri, sirore usira.

6-8 Sifo eninda Godi setiri, gatetiri, soroda sarighe, foroga ikada, uvu duruda fitido, amingedo, forogada vasa utu jighusira. Emo sifo etoto aminda etiri, sirore usira.

9-13 Sifo eninda Godi setiri, uvu isambu utu duruda takegha etiri, enda isagha usira. Godi etiri, amingusira. Amingetiri, Godi setiri, vive, asi, ika, bayau, a roera isambu endada sirore useri. Roera e sirore usera amo, einda vuji digari jighiri, kau daba ava sirore useri. Emo sifo etodaba aminda etiri, sirore useri.

14-19 Sifo eninda Godi setiri, ghainjiba, tambuno, a damana ava janimbetiri, Godi setiri, ghainjiba sifodae janimberaira, tambuno damanande tumbadae janimberaera, endada usasa furaredae. Ghainjiba, tambuno, a damana usira amo, yavatada sifo amo sembu fua, sovenikena vitiraira, furifurimananda sifo amo sembi ya, sovenikena ominda vitiraira, ava Godi usira. Emo sifo avononde aminda etiri, sirore useri.

20-23 Sifo eninda Godi setiri, oka, bangu, uvuda jingabu, evada jingabu, a roera isambu sirore useri, evada, uvuda, ava etiri, sirore useri. Ne mamandi fufusera amo, nunda kau eni eni sirore useri. Sirore etero, rika barago Godi setiri, sirore useri, a barago fufusera, einda kau eni eni sirore useri. Emo sifo ghabusoveni aminda etiri, sirore useri.

1:24-30; 2:9a Sifo eninda Godi setiri, endada roera isambu sirore usera amo, sinofuka, jingabu, kaisi, ararafa, agari, koori, a roera isambu sirore useri, ava sirore etero, Godi roera isambu setiri, sirore usera emo, nunda kau eni eni sirore useri. Sinofuka, jingabu, kaisi, ararafa, agari, a koori ainda bayau Godi futusira. amo, asi, ika vuji ava mindoredae futusira.

## TANO 2

### 1:26-2:25 Godi Evetugenembo Etiri, Sirore Useri.

Godi genembo etiri, sirore useri. Genembo evetughae ne edo, kau numoa ava usira.

Godi endai genembo edo, genembo ainda mendoda fusisira. Fusetiri, gerfembo jebuga usira. Jebuga etiri, Godi genembo ainda javo Adami jijighusira.

Jighido, Godi ware mindafu govusira. Govedo, Adami bu, wareda fifitusira. Ware ainda jokada uvu mindafuri. Uvu Edeni aminda sirore usira. Vare ainda jokada ika dabako, Jebugada lkari, ainda vuji mave mindaetira, jo ambae aetira. Vareda ika enimo Kasamanda lkari, ainda vuji mave mindaetira, nu kasama gogogho ombe aetira.

Godi Adamikena sisira, "Nine vare kaifa use, wareda ika vuji mindaresa, avata Kasamanda lka vuji jo mindae areza. Ika vuji evia mindaresa amo, eveva reju, eko rejumo kasama areza. Ika evia ainda vuji erama mindiose, ava mindaresa amo, ambaresa.

Godi sinofuka isambu a rika isambu endai etiri, sirore usera amo, Godi isambu budo, Adamikena bu fusira. Bu firi, Adami nenda javo isambu jijighusira. Sinofukada javo isambu, rikada javo isambu, jingabuda javo isambu, kaisi, ararafa, agarida javo isambu, a koorida javo isambu ava jijighusira. Ava sedo, Adami nu suka deinghusira. Adaminda sonemba arikato tefo, gido, Godi etiri, Adami fasa e, aviri, Godi nunda reima eni budo, anoso gagojusira. Gajedo, genemboda reima budo, evetu edo, genembokena bu fusira.

Etiri, Adami eredo, sisira, "Nangaeda kau dabakori. Godi nune nanda reima budo, ni etiri, sirore usesi. Ninda javo eveturi," ava sisira. Aindae, genembo nunda aya afa dodo, evetu fitiraira. Fitido, nengae tamo dabako eraera. Godi nemokena sisira, "Mandi sasingu fumbudo, ne sasingude endada kokotofu evu," ava sisira. Adami noaroghae emboboka tefo meka jo aeri.

Godi roera isambu usira. Edo, gosusira. Gido, sisira, "Eveva bekari," ava sisira. Setiri, sifo ghabusoveni dabako dadabusira. Dadabetiri, Godi nunda saramana etiri, dadabetiri, sifo 7 aminda jangutusira. Godi sisira, "Sifo 7 sifo kakarari," ava sisira.

## TANO 3

### 3:1-24 Evetugenembo Dara Useri.

1-7       Jingabu derarikato bekari. Nu evetukena sisira, "Ne vareda ika vuji mendeni mendeni era mindiovedae, Godi sisirasi, ai?" setiri, evetu sisira, "Namane ika vuji mindiraera; ava sedo, namane ika vuji dabako vare soroda irira amo jo mindae eraera. Namane ika derarera amo, ambarera," ava sisira. Setiri, jingabu sisira, "Ne jo ambae areva. Ne eveva amo, eko amo kasama areva, ne Godiga ava areva, ava Godi kasama erira," setiri, evetu ika vuji gido, uju usira. Edo, budo, mindido, mendeni nuvudae futusira. Mutiri, risira. Mindido, ne kasama gogogho ombe useri. Kasama gogoho ombe edo, ne gosuseri, emboboka tefori. A gido, ika igi ava budo, firedo, emboboka useri.

8-21       Etero, ungobu iri, Godi wareda deinghusira. Deinghiri, Adami noaroghae Godida duka javi ningido, kururu aminda jungutuseri. Jungetero, Godi kori sisira, "Ne redari?" setiri, Adami sisira "Ni javi eso, ningeni. Na boka tefo gido, oju edo, jungeteni," sisira. Setiri, Godi sisira, "Mave iju getiri, ni boka tefori? Ni ika vuji doyasodae sisena, amo risesi, ai?" sisira. Adami sisira, "Evetu nandae futusesa amo, nune ika vuji mutiri, mindeni," sisira. Evetu sisira, "Jingabu derarikato aimi setiri, na ika vuji mindeni," sisira. Godi jingabukena sisira, "Nine dara etesa; aindae, saoro, vose, jiriri aresa. Na aono, ninda mamandi evetuda sasingude gitofu areva. Ni evetuda mandi eni ainda ata aguda gambaso amo, nu ninda jiro de bejarira," ava sedo, Godi evetukena sisira, "Ni dara etesa; ava sedo, sasingu fumbaridae aresa, mema tambudo, fumbaresa, avata ninda genembo uju aresa. Nu nimokena bajari arira," sedo, Godi Adamikena sisira, "Ni dara etesa; aindae, emo aono, vive eko endada vitido gharera. Ni saramana fakarago use, ika vuji bayau mindaresa. Ni sifoghousa saramana use iraresa, ambari tano. Na ni endai eteno, sireore usesi, avata ambarida sifoda ni sekago jovereghe, enda aresa," ava sisira. Sedo, Godi sinofukada tamo anoso budo, embobokadae

firetiri, nengae asuguseri. Evetugenembo isambu einda ayamo Adami noarori. Adami nunda evetuda javo Evi jijighusira amo, einda tukamo Jebugaghae.

22-24 Adami Evighae eveva amo, eko amo kasama gogogho ombe etero, Godi Adami Evighae, Jebugada Ika vuji mindioredae, dirigusira, ne jebuga sifoghousa eoredae. Godi nunda kaifakato vareda futusira, Jebugada Ika kaifa aridae, edo virutu avarakada buburago, a barago fifitusira, kaifa aridae. Fitiri, genembo noaroghae vare eveva dodo, era, tuturo edo, vare govedo ghuseri.

Genesis Abridgement

Published 1974

Printed by the S.I.L. Printing Department  
Ukarumpa, E.H.D., Papua New Guinea

National Library of Australia  
Card Number and ISBN 0 909569 38 X

The publication of this Genesis Abridgement is financially  
underwritten by Mrs. E. L. Clark of Roan Mountain, Tennessee.